

IBhayibheli LaBantwana
Likulethela

UJesu Uthulisa
Ulwandle
Olunomoya
Ovunguzayo



Ibhalwe ngu: Edward Hughes

Kwabonakala ngu: Janie Forest; Alastair P.

Ifanekiswe ngu: Ruth Klassen

Itolikwe ngu: Goodwill Sithembiso Gwala


Ikhizwe ngu: Bible for Children

www.M1914.org

©2022 Bible for Children, Inc.

iLayisensi: Abantu bangazithathela noma bephrinte izinto kulendaba egunyazwe ngokomthetho kodwa akumele bazidayise.






UJesu kanye
nabafundi bakhe
babesemukhunjini
ngesikhathi kuvela
isiphepho esikhulu.
Isivunguvungu
saguqula ulwandle
lase-Galile.
Loluhlobo
lesivunguvungu
lungabangela
ukuphahlazeka
komkhumbi kanye
noku gwiliza.



Isivunguvungu sathusa abafundi. Amagagasi
avala umkhumbi, wagcwala amanzi. Kodwa uJesu
wayezilalele ecamele, edonsa ubuthongo phakathi
kwesivunguvungu.




Abafundi
bamuvusa
uJesu,
bekhala,
"Thisha,
Thisha,
siyacwila!"



"Nithuswa yini, Nina eninokholo oluncane?" UJesu ebuza abafundi. Kusenjalo uJesu wakhuzisa umoya ukuba uthule . . . futhi . . . uJesu watshela ulwandle ukuba luthule luthi nya . . .




FUTHI UMOYA WEHLA ... ULWANDLE
LWATHULA. Abafundi bemangele, bathi, "Ngabe
ubani lo, ngisho nomoya kanye nolwandle
luyamulalela!"




Emva kwesikhathi, uJesu waba nolunye usuku oluphithizelayo. Walandelwa abantu abangaphezu kwa-5000 endaweni eyihlane. Ngamandla kaNkulunkulu, uJesu wasuthisa izixuku esebenzisa nje umphako womfana omcane. Kwahlwa. UJesu wathumela abantu emakhaya.




Ngisho nabafundi kwakumele bahambe. UJesu wabanxusa ukuba bangene emkhunjini bamphelezele ngaphambili ekuweleni ulwandle lwase Galile.






Withi
esethumele
wonke umuntu,
uJesu waya
entabeni
ukuyothandaza.
Kwathi kuhlwa,
wabe eseyedwa
khona.





Ecwebeni, abafundi
bahlaselwa umoya
onamandla. Umoya
wabavimba ukuba
bewele Icweba,
sebesemkhunjini
amahora
amaningi.
Abafundi
babengazi,
kodwa
babelindwe
isimanga
esikhulu!






Kwathi phakathi
kwehora lesithathu
kanye nelesithupha
ekuseni, phakathi
komoya owawuvunguzisa
ulwandle, abafundi
babona into
eyabafikisela ukwesaba
okukhulu. Bathi
"Umoya omubi!" besho
bekhala. Kodwa lowo
kwakungu Jesu, Inkosi
nomSindisi, eza kubo,
**EHAMBA PHEZU
KWAMANZI.**



“Umoya wokujabula phezu kwenu!” uJesu wamemezela kubo.
“Yimina, ningasabi.” uPetru waphendula wathi. “Nkosi uma kunguWena, ngiyale ukuba ngihambe phezu kwamanzi ngize Kuwe.” Ngakho ke uJesu wathi, “Woza.” Ngesikhulu isibindi, uPetru waphuma emkhunjini wahamba phezu kwamanzi eya kuJesu.






Uthe ebona
umoya uvunguza,
uPetru wafikelwa
ukwesaba, waqala
ukucwila. Wase
ekhala, "Nkosi,
ngisindise!"



Ngaso leso sikhathi, uJesu walula isandla wabamba uPetru. "O wena onenkolo encane, kungani unokungabaza na?" Esho ebuza. Kwathi uPetru kanye neNkosi uJesu sebengene emkhunjini, umoya wama.



Kwase kuthi laba
ababesemkhunjini beza
badumisa uJesu, bathi,
"Impela uyiNdodana
kaNkulunkulu."



UJesu Uthulisa Ulwandle Olunomoya Ovunguzayo


Indaba evela kwiZwi laNkulunkulu, iBhayibheli,

Itholakala

Mathewu 8, Mathewu 14,
Marku 4, Luka 8

“Ukwambulwa kwaMazwi Akho kuyakhanyisa.”
AmaHubo 119:130






Yaphela



48



60



Lendaba yeBhayibheli isitshela ngoNkulunkulu wethu uyisimanga owasidala futhi ofuna ukuthi wena wazane Naye.

UNkulunkulu uyazi ukuthi senze izinto ezimbi, Azibiza ngesono. Isigwebo sesono ukufa, ngokuba uNkulunkulu walithanda izwe kangaka, waze wanikela ngeNdodana Yakhe ezelwe yodwa ukuba izosifela esiphambanweni igwetshelwe izono zethu. UJesu wase evuka ekufeni wanyukela ezulwini ekhaya lakhe! Uma ukholwelwa kuJesu futhi uma Umcela ukuthi akuthethelele izono zakho, Uzokwenza lokho! Uzoza ezophile ngaphakathi kwakho manje, futhi uzophila Naye kuze kube ingunaphakade.

Uma ukholwa ukuthi iqiniso leli, ithi kuNkulunkulu:
Nkosi Jesu, Ngiyakholwa ukuthi wena unguNkulunkulu, futhi wehla ezulwini waba inyama ukuze ufele izono zami, wavuka ekufeni usuyaphila futhi. Ngicela ungene empilweni yami ungithethelele izono zami, ukuze ngizokwazi ukuba nempilo entsha, ukuze ngiyokwazi ukuba Nawe kuze kube phakade. Ngisize ukuba ngilalele Wena futhi ngiphilele Wena njengomntwana Wakho. Ameni.

Funda iBhayibheli futhi khuluma noNkulunkulu nsuku zonke! Johane 3:16

